

سنه لکی در سعادت ایچون مجیده
یکرمی غروش حسابیه التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ٤٠ پاره در

قانون مجازات

آبونه اولمق ایستینلر دائره عدلیه ده
اداره مخصوصه سنه مراجعت
ایتملیدر

اعلاناک بهرندن بر مجیده اخذ
ایدیلور

نسخه سی ٤٠ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه متعلقدر

توضیحات

وظیفه مأموریتی حسن ایفاده مشاهد اولان
مساعیسنه مبی در سعادت بدایت محکمه سی اعضا سندن
سعادتلو جواد بکه ترفیعاً رتبه اولی صنف ثانیه سی
توجیه بیورلشددر.

تبلیغات

عدلیه نظارت جلیله سنه ولایات شاهانه استیناف
مدعی عمومی بطریق نظیر قلمانه تحریرات عمومی
صورتیدر:

مجالس اداره دن ویریلوب اکثری افراد عا
بولنان و نتیجه اعتباریه حکمی حاوی اولان مقرراته
نه صورتله پول یاپشیدر لمق لازم که چکنده تردد ایدلیدکنندن
بحث ایله ایجاب قانونیک تعیینی حقنده سبق
ایدن اشعاره جواباً وارد اولان تذکره سامیه ده
تمغا رسمی قانونیک بومثللو مقرراتی حاوی مضبطه
و قرارنامه لر عا طقوزنجی ماده سنک ٦٣ نومرولی
فقره سنده « شورای دولت و علی العموم محاکم
و مجالس و هیأت رسمیه نک معین بر مبنای حاوی
اولمیه رق افراد عا مضبطه و اعلام و حجت لریله
قرارنامه لری » دیه محرر اولوب مقررات مذکور نک
افراد عا دیتی افرادک مراجعتی اوزرینه وقوعی ایله
تعیین ایده بیلوب یوقسه افرادک طلبی حتی خبری
اولمیه رق دواثر حکومت بیننده جریان ایدن معاملات
قیلندن وقوع بولان مقرراتدن طولانی بونلرک منافعه
تعلق ایتدک لری افرادی مکلف طوتمق غیر قابل
وبوکبی احوالده تکلیفک جای تحصیلی مفقود بولندی
جهتله برکونه طلب و مراجعت وقوع بولمق سزین
افراد متعلق اوله رق لاحق اولان مقرراتک معاملات
رسمیه بی متضمن اولمق اعتباریه قانوننامه مذکورک
یکرمی یدنجی ماده سنک ١ نومرولی فقره سنه توفیقاً
تمغا رسمندن معفویتی لازم که چکنک تعمیاً تبلیغی

محاکمات و مقررات

رسم تمغا تدقیق قومیدییونندن با مضبطه افاده اولندی
بیان عالیسیله موجبجه اقتضاسنک ایفای امر و اشعار
بیورلیدی مالیه نظارت جلیله سندن اشعار و اشبو
تحریراتک نسخ مطبوعه کافی سی لاجل التبلیغ ارسال
قلمش اولیدی بیانیله و محاسبه افاده سیله شقه ترقیم
قلندی.

موش سنجانی بدایت محکمه سی جزا دائره سی
رئیس سابق حمدی افندیکنک اوراق انفصالیله
ومدافعه نامه سی انجمن انتخاب مأمورین عدلیه جه
لدی التدقیق جواز استیخدامنه قرار ویرلشددر.

در سعادت استیناف مدعی عمومی ملک مأموریت بهر سنه
ابو عریش قضاسی قائم مقامی ایکن عدنه
فرار ایلدیکی ادعاسیله مظنون علیه اولان شا کر
بک اصول محاکمات جزاییه قانونیک مواد
مخصوصه سی احکامنه توفیقاً جنایت محکمه
علیه سنده محاکمه سی اجرا قلمق اوزره عسکری
جزا قانونیک یوز اوتوز ایکنجی ماده سی
موجبجه جنایتله اتهامنه قرار ویرلیدکنندن
متهم مومی الیهک هر زرده کوریلور ایسه
طوتیلوب محکمه مذکورده توقیفخانه سنه تسلیمی
لازم که چکی بالجمله ضابطه عدلیه مأمورلرینک
معلومی اولمق اوزره اشبو اخذ و گرفت مذکره سی
در سعادت هیئت اتهامیه سندن بالتظیم اعطا
قلندی.

ارباب فساددن اولدقلری ادعاسیله متهم

اولان غمسه ارغان و مائل و دادوم و روشن
و طوماس و آشوت و مارتن و شاهونیان
حق لرنده اصول محاکمات جزاییه قانونیک اوچیوز
یتش برنجی ماده سی موجبجه معامله مقتضیه
ایفا و محاکمه غیایه لری بالا اجرا نتیجه سنده
مرقومونک ارباب فساددن اولدقلری و تصمیم
اولنان فسادک اسباب اجرائیه سنی تهیته ضمندنه
بعض افعال و تدابیره دخی تشبث ایلدک لری
ثابت اوله رق قانون جزانک الی سکننجی
ماده سنک فقره اولاسنه توفیقاً مؤبداً قلعه بند
ایدملرینه و اوتوز برنجی ماده قانونیه موجبجه
حقوق مدنی دن اسقاط لریله اموال مجوزه لرینک
اداره ایتدیرلسنه محکمه جنایتدن حکم اولمش
و اصول محاکمات جزاییه قانونیک اوچیوز یتش
یدی و اوچیوز یتش سکز و اوچیوز سکسان
برنجی ماده لرله مواد سائره سی احکامنه توفیق
معامله اولمشی مرجعنه بیلدیرلش اولغله مذکور
اوچیوز یتش سکننجی ماده نک جمله احکامندن
اولدیغی اوزره اعلان کیفیته ابتدار قلندی.

ارباب فساددن اولدقلری ادعاسیله متهم
اولان و حال فرارده بولنان نرسیان و قره بت
خچا طوریان و خمپار سوم حق لرنده اصول محاکمات
جزاییه قانونیک اوچیوز یتش برنجی ماده سی
موجبجه معامله مقتضیه ایفا و محاکمه غیایه لری
بالا اجرا نتیجه سنده مرقومونک ارباب فساددن
اولدقلری و مذکور فسادک اسباب اجرائیه سنی تهیته

ضمننده بعض افعال و تدابیرہ تثبیت ایتدکری ارمنی العبارہ مکتوبلر ایله هیئت تحقیقیه فذلکلهسی مندرجاتیلہ ثابت اولدیندن قانون جزائک الی سکننجی ماده سنک برنجی فقره - سی حکمنه توفیقاً مؤبداً قلعه بند ایدلملرینه و اوتوز برنجی ماده قانونیه منطوقجه حقوق مدنیهدن اسقاطلرله اموال محجوزهلرینک اصولی دائره سنده اداره ایتدیرلسنه محکمه جنایتدن حکم اولمش و اصول محاکمات جزائیہ قانوننک اوچوز یتیش یدنجی و اوچوز یتیش سکننجی و اوچوز سکسان برنجی ماده لرله مواد سائرهمی احکامنه توفیق معامله اولنسی مرجعنه بیلدرمش اولغله مذکور اوچوز یتیش سکننجی ماده نک جله احکامندن اولدینی اوزره اعلان کیفیتہ ایتدار قلندی .

محکمه تمیز حقوق دائره سندن تنظیم واعطا اولنان اعلامدر :

قسطنونیہ تابع کول ناحیه سنک صاری عمر قریه سنده مقیمه حاجی احمد اغا حقیدی صغیر صادق و صیسی ذلیخا خاتم ایله ناحیه مذکورنک صوباشی قریه سی اهلایسندن حاجی محمد و کامل اغا لر بینه منکون دعوایه دائر قسطنونی استیناف محکمه سندن ۸ شباط سنه ۳۲۱ تاریخی و اون بش عددی ایله ویریلان اعلام ذلیخا خاتم طرفندن تمیز ایدلمکله باش مدعی عمومیلک مأموریت بهیسنک مطالعه نامه سی التقدن صکره اعلام مذکور طرفینک اعتراض و جواب لایحه لرله برابر بالمطالعہ تدقیقات تمیزیه اجراسنه ایتدار قلندی .

اعلام مذکورک خلاصه مندرجاتی مزبورده ذلیخا خاتمک وصایتی التده بولنان صغیر صادق متوفی جدی حاجی احمد اغانک حال حیانتده متصرف اولدینی معلوم الحدود ایکی قطعه خانه و اخور و براب صمانلق و برقطعه انبارینی مخدوملری مرقومان کامل و حاجی محمد ایله صغیر صادقہ متساویاً و اوچ قطعه اراضینی مخدومی کامل ایله حقیدی مزبور صادقہ مناصفه و برقطعه باغچینی ده صغیر مزبورہ مستقلاً هبه ایلدیکي حالدہ مرقومان کامل و حاجی محمد اغا لر صغیر مزبورک املاک و اراضیده اولان حصه سنه مداخله

ایتمکده اولدقلرندن بمثلہ مداخله واقع لرینک منعیله منازع فیہ اراضینک ایکی سنلک کراسی اولان بیک غرو - شک استیفاسی قسطنونی بدایت محکمه سنه بالمراجعه طلب و دعوی ایتسنه قارشومدعی علیهما حاجی محمد و کامل اغا لر دخی هبه بی اقرار و اعتراف ایله برابر انحق اووا کی دینکله معروف باغچینک ایکی قسمدن عبارت اولان بر قسمی مورثلری متوفی حال حیانتده صغیر مزبورہ هبه ایدلرک دیگر قسمی عهده سنده ایفا ایلدیکي مدافعه تذکار ایتلری اوزرینه اولابده جریان ایدن محاکمه و کشف و تدقیقات نتیجه سنده متوفی مومی الیهک منازع فیہ باغچیدن اووا کی دینیلان باغچینک بر قسمی صغیر مرقومه ترک و هبه ایدوب دیگر قسمی عهده سنده ایفا ایلدیکي اصولاً تبیین و تحقیق ایتکله دخی مزبورہ نک مذکور باغچیدن دیگر قسم حقدنکی ادعاسنک ردینہ و دیگر املاک و اراضیده اولان حصص مذکورہ مدعی علیهمانک واقع اولان مداخله لرینک منعه و بدل ایجاردن مدعی علیه کاملک اقراریه تبیین ایدن یوز اون سکر غروشک مرقومدن تحصیلنه دائر صادر اولان اعلام ایتداینک عندالاستیناف تصدیقه حکمدن واشبو حکم علیهنده مستدعی تمیزک لایحه سنده محرر اعتراضاتنک باشلوجهمی دیگر قسم باغچینک دخی مأموری حضورنده فراغ ایلدیکي ادعا اولنسنه کوره محکمه هه فراغ ایدلمکسینز اهل خیره دینلان کسانک افادانه بنای حکم ایدلسی و صغیر مزبورہ متوفی طرفندن ترک و هبه اولنان اوچ قطعه ترلاده کی حصه سنک افزایله تجاوز اولنان حدودینک تعیین و تصحیحی دعواسنه بدایه باقلمامش اولدینی اعتراضنک عندالاستیناف تدقیق ایلمامسی و منازع فیہ باغچیه برقطعه اولوب ایکی قطعه اولمادینی و بونکده صغیر مرقومه تماماً هبه ایلدیکي ادعا و دفتر خاقانی مأمورینک بوباده درکناری دخی ابراز اولندینی حالدہ اوراق رسمیه ایله اثبات مدعی ایدلمکله مدیکي بیسانیه بوکاتر اولان ادعاسنک رد ایدلسی بولسز و مغایر قانون اولدینندن بمثلہ اعلامک تقضی استدعاسندن و لایحه جوابیه مؤدایی ده غیر وارد اولان اعتراضات مذکورہ نک ردی و موافق اصول و قانون اولان اعلام مذکورک تصدیق طلبندن و سالف الذکر مطالعه نامه مفادی ده نقصانی تدقیقاته دائر درمیان ایدیلان اعتراضاتک وارد ایدوکي بیانندن عبارتدر .

ایحاجی لدی المذاکره اعلام مذکور مألندن منقهم اولدینی اوزره دعوی عقاره متعلق اوللق حسبیله توجه خصومت ضمننده اول امرده ذی الیدلکک بالینه ثبوتندن و قید رسمی به مراجعت ایدلدکن صکره تبیین ایدلرک حاله کوره قرار ویرلک لازم کلور ایکن

بوجهتدن ذهول ایدلسی بولسز و مغایر قانون اولدینندن اصول محاکمه حقوقیه قانوننک ایکویز قرق برنجی ماده سی موجنینجه اعلام مذکورک تقضیه قانون مذکورک ایکویز قرق درنجی ماده سی حکمنه توفیقاً کیفیتک بروجه مشروح بالرویه اعلامه ربطی ضمننده محکمه مذکوریه اعاده سنه ۱۵ تشرین ثانی سنه ۳۲۳ تاریخنده متفقاً قرار ویرلدی .

حیدر بکری قتل ایلدیکي ادعا قلتمسندن دولانی جنایتله اتهام اولنان زکریا بن عبدکولک اون بش سنه مدتلہ کورک قونلسنه دائر کورشیه سنجانی بدایت محکمه سی جزا دائره سندن ویریلان ۱۰۰ نومرولی اعلام

زوجهمی امینہ قتل ایلدیکي ادعا اولنسنندن دولانی جنایتله اتهام اولنان آق یازی ناحیه سی اهلایسندن یوسفک اون بش سنه مدتلہ کورک قونلسنه دائر اذمید سنجانی بدایت محکمه سی جزا دائره سندن ویریلان ۷۸ نومرولی اعلام

عبدالقادی جرح ایله تعطیل عضوبنه سبیت ویردیکي ادعا اولنسنندن دولانی جنایتله اتهام اولنان ابراهیم بن محمد مشکک اوچ سنه مدتلہ کورک قونلسنه دائر حلب و لایچی استیناف محکمه سی جزا دائره سندن ویریلان ۵۶ نومرولی اعلام

قواله قضای اهلایسندن حسین بن ابراهیمی قتل ایلدیکي ادعا اولنسنندن دولانی جنایتله اتهام اولنان عثمان بن حسنک اون بش سنه مدتلہ کورک قونلسنه دائر درامه سنجانی بدایت محکمه سی جزا دائره سندن ویریلان ۱۰۳۳ نومرولی اعلام

محمد اوغلی یوسفی قتل ایلدیکي ادعا اولنسنندن دولانی جنایتله اتهام اولنان قنیر بن رجیک اون بش سنه مدتلہ کورک قونلسنه دائر سیواس ولایچی استیناف محکمه سی جزا دائره سندن ویریلان ۱۴۴ نومرولی اعلام

اسماعیلک صول کوزینی جرح ایله رؤیتندن محروم ایلدیکي ادعا اولنسنندن دولانی جنایتله اتهام اولنان یونس اوغلی اسماعیلک اوچ سنه مدتلہ کورک قونلسنه دائر قونیہ ولایچی استیناف محکمه سی جزا دائره سندن ویریلان ۵۲ نومرولی اعلام محکمه تمیز جزا دائره سنجه تصدیق قلتمشدر .

۶۸۹ نومرولی نسخه ده مندرج درسعادت جنایت محکمه سی اعلامنک مابعدی :

مدعی عمومیلک مقامندن بالاعطا قرائت

ایتدیریلان شهود پوصله سنده اسامیسی محرر اولان کسان دعوت واقعه یه اتباعاً ورود ایتلرله برر برر حضور محکمه یه چقار یلر ق لدی السؤل طرفینه مانع شهادت اوله جق درجه ده قرابت و برکونه مناسبت و خصوصت لری اولمادینی اکلاشلدقندن و اصولی وجهله تحلیفلری اجرا قلندقدن صکره بالمواجهه استماع اولندقلرندہ بولنردن قوجه مصطفی باشاده جاده ده برخانه ده مقیمه اولدینی سولیان قرق بش یاشنده صوحی مصطفانک زوجہ سی قبلہ ی زهرا خاتم بنت مصطفی وقعه کونی خانه سنک بخیره سنده اوطوروب جاده یه باقنده ایکن متهم سموئیلک بالورود اردم قادینک خانه سی قپوسنده برچاریک ساعت اوطوردقدن صکره آغاه قالفه قرق ورمدت اطرافنه باقهرق جینندن چقاردینی براناختارایله قبونی آجوب ایجری کیردیکي و کندوسی اون بش سنه دینرو مزبورہ اردم قادینک قومشوسی اولدینی جهتلہ مزبورہ نک احبابی بیلدیکندن و متهم مرقومک ییانیجی اولدینی حسن ایتد - یکنندن وارد قادینه سسلندیکي حالدہ جواب ویرمدیکندن والدہ سنک خانه سنه کیدوب کیفیتک حکایه ایلدیکي و مزبورہ نک خانه سنه کلسی اوزرینه مرقوم سموئیل چقبوب فرار ایتکله بولده دردت ایلدیکي و کندوسی ده کیدوب باقندینده قونسولک آچلمش و برطاق اشیانک بوغچه یه قونلش ایدوکي کوردیکي افاده استطاقیسنه موافق صورته اخبار و عندالاستفسار متهم مرقومده چوال بولندینی و بالآخره ورودایدن مأمورین ضابطه طرفندن قاریوله نک ایچندن اوچ عدد اناختار چقارلدینی تذکار و شهادتنک حضور محکمه کی متهم سموئیل حقدن اولدینی علاوه کفتار ایلدی .

متهم سموئیل سبب بیان ایتیه رک شهادت آغینی قبول ایتیه چکی سرد ایتدی .

صاتیده لیلیجی زقاعنده برخانه ده ساکنه اولدینی سولیان یکرمی بدی یاشنده آستانه ی قوهاریک بنت قره بت وقعه کونی همشیره سی اردم قادینک خانه سنه خرمسز کیردیکي زهرا خانمک اخبار ایتسی اوزرینه همشیره سی مز بوره ایله برلکده خانه یه کیره رک و مز بوره اردم قادین لاجل التحریر اوست قانده کی اوطیه دخول ایدلرک کندوسی ده قبوجی مهران نامنده برینک مستأجر بولندینی الت قانده کی اوطیه کیروب باقنده ایکن برشخصک قاریوله نک اوزرنده کی یتاغہ کیرمش و یورغانی باشنه چکمش اولدینی کورمسیله واقع اولان فریادینه مینی متهم سموئیلک قاریوله دن قاقوب فرار ایتدیکي و مرقومک بولده فرار ایتکله ایکن مقصدجه کندولرینک چاغرمش اولدقلری زارک و کیغورق طرفلرندن دردت ایلدیکي

و مذکور اوطه ده کی قونسولک آچلمش واشیانک دخی بوغچه یه قونلش ایدوکي کوردیکي افاده استطاقیسنه مطابق صورته بیان و عندالاستیضاح وقعه یی معقب و رودایدن مأمورین ضابطه نک مذکور قاریوله نک ایچندن اوچ عدد اناختار چقاردقلری و شهادتنک حضور محکمه ده کی متهم سموئیله عائد اولدینی اتیان ایلدی .

متهم سموئیل سبب کوسترمیه رک اشبو شهادتی دخی قبول ایتیه چکی سوبلدی .

مذکور زقاعده برخانه ده متصرفاً اقامتلہ لیمونجی اولدینی سولیان یکرمی ایکی یاشنده آستانه ی زاریک ولد بدروس وقعه کونی خانه سنه کیتکده ایکن قپوسنک اوکنده غلبه ک طویلاشمش اولان اردم قادینک خانه سنه خرمسز کیردیکندن بمثلہ واقع اولان دعوتنه مینی کیدوب اوست قاته چقندیننده کسنه یی کورمدیکي و اشانی ایتکده ایکن مز بوره اردم قادینک همشیره سی قوهاریکک وقوع بولان فریادینی معقب متهم سموئیلک الت قانده کی اوطه دن چقبوب فرار ایتکله ایدوکي کورمکله بالتعقیب کیغورقک معاوتیلہ زقاعده دردت ایدلرک مأمورین ضابطه یه تسلیم ایلدکلری و مذکور اوطیه عودتده قونسولک آچلمش و برطاق اشیانک بوغچه ده حاضر لاش ایدوکي مشاهده ایتدیکي ومؤخراً ورود ایدن مأمورین ضابطه ایله برابر قاریوله نک اوزرنده کی یتاغک ایچنده اوچ عدد اناختار بولدقلری افاده مضبوطه سی وجهله یاد و حقدن شهادت ایلدیکي شخص حضور محکمه ده کی متهم سموئیل اولدینی ایراد ایلدی .

متهم سموئیل شاهد مرقوم مشتکیه یه قومشو اولدینندن علینه شهادت ایتدیکي جهتلہ قبول ایتیه چکی سوبلدی .

صاتیده اغا هماننده برخانه ده اقامتلہ حمالق ایتدیکي سولیان اوتوز اوچ یاشنده آستانه ی کیغورق ولد خاجیک دخی یوم وقعه ده محل جرم جوارنده برمحله اودون یارمقده ایکن اردم قادینک خرمسز وار دیو فریاد ایتکده اولدینی ایشتمسی اوزرینه اوطرفه طورغری کیتدیکنده متهم سموئیلک مز بوره نک خانه سندن چقبوب فرار ایتکده وزاریکک مرقومی تعقیب ایلکده اولدینی کورمکله کندوسی دخی معاونت ایدلرک مرقومی دردت ایتدکلری و مأمورین ضابطه ایله برلکده مذکور خانه یه عودتده خانه نک الت قات اوطه سنده بولنان قونسولک آچلمش و برطاق اشیانک دخی براییک بوغچه ده حاضر لاش و مذکور اوطه ده کی قاریوله نک اوزرنده بولنان یتاغہ دخی چامور بولاشمش ایدوکي کوردکلری و مذکور

یتاغک ایچنده اوچ اناختار بولملرله لدی التطبیق خانه قپوسنی آجوب قیامقده ایدوکي دخی مشاهده ایتدکلری افاده مضبوطه سی دائره سنده اخبار و دیدیکي سموئیلک حضور محکمه ده کی متهم اولدینی تذکار ایلدی .

(بقیه سی کلچک نسخه یه)

خلقی افندینک قهوه خانه سندن کیجه وقتی اشیا سرقت ایتدیکي ثابت اولان عبدالقادرک مکرر اولسی حسبیله برسنه مدتلہ حبسنه آلفردک یورکی یه تشبیر سلاح ایتدیکي ثابت اولدینندن برهفته مدتلہ حبسنه

یوانک واسیلی ضرب ایتدیکي ثابت اولدینندن برآنتون آتوب مضروب و برلسنه بک اوغلی بدایت محکمه سی جزا دائره سنجه قرار ویرلشدر .

مخبره ۶۹۰

اربعه قضای بدایت محکمه سی اعضاسندن کرقور افندینک مواد معینده وظیفه قانونیه سی سوده استعمال ایلدیکي سیواس و ارضروم ولایتی عدلیه مفتشکلکندن وارد اولان اوراق تحقیقیه محتویاتندن اکلاشلمسنه مینی بالزلر محاکمه الله آلمسنه عدلیه نظارت جلیله سندن مأذونیت ویرلرک محله تبلیغات مقتضیه اجرا ایلشدر .

الاعانات

درسعادت استیناف مدعی عمومیلک مأموریت بره سنده : جرح ماده سندن طولانی متهم بولنان قیصه بویلی ، اسمر بکزیلی ، قره بیق و قاشلی یکرمی ایکی یاشنده غلطه ده قپوایچنده ایرانی اغابکک قهوه خانه سنده چراق ایرانی حسین بن محمد حقدن اصول محاکمات جزائیہ قانوننک اوچوز یتیش برنجی ماده سی موجنینجه معامله مقتضیه ایفا و محاکمه غیابیهمی بالا اجرا نتیجه سنده مرقومک ۳۲۳ سنه سی تشرین اولنک التتجی کونی غلطه ده ظرفاً زقاعنده دسپانک خانه سنده روزہ یی قتل قصیده جرح ایلدیکي ثابت اولدینندن قانون جزائک یوزسکسانجی ماده سنه توفیقاً اوچ سنه مدتلہ کورک قونلسنه و اوتوز برنجی ماده قانونیه منطوقجه حقوق مدنیهدن اسقاطیلہ اموال محجوزه سنک اداره ایتدیرلسنه محکمه جنایتدن حکم اولمش و اصول محاکمات جزائیہ قانوننک اوچوز یتیش یدنجی

واوچيوز یتش سکرنجی و اوچيوز سکسان برنجی
ماده لريله مواد سائرہ سی احکامہ توفیق معاملہ اولنسی
مرجعہ بیلدیرلش اولغله مذکور اوچيوز یتش
سکرنجی مادہ نك جمله احکامندن اولدینی اوزرہ
اعلان کیفیتہ ابتدار قلندی .

در سادات جنابت محکمه سنده :

اوچيوز یکر می اوچ سنہ سی اغستوسندہ
طوبخانہ دہ دفتر دار یقوشندہ شوقینک خانہ سندن
سرقتہ تصدی ایلرندن طولانی متهم اولوب حال فرارده
بولان اشکالی غیر مضبوط و معین اقامتکاه و مشغلہ سی
بولمیان قفقاسیہ اہالیسندن اوتوزسکر یاشندہ یوسف
نام دیگر رضا بن توفیق دردست اولنہ مامش اولدیغندن
قانونہ اطاعتہ محکمہ یہ کلمی ایچون تاریخدن اعتباراً
جانب ریاستدن کندسنہ مجدداً اون کون مهل اعطا
قلنمشدر مهل معین ظرفندہ مرقوم محکمہ یہ کلدیکی
حالدہ قانونہ اطاعت ایتامش نظریلہ باقیلہ رق حقوق
مدنیہ دن اسقاط قلنہ جنی و علیہندہ دعوا یہ قیام
اولنہ جنی و اموالک حجرتنہ آله جنی و بالجملہ
ضابطہ عدلیہ مأمورلرینک کندوسنی طومتغہ مجبور
بولندقلری کبی معاملات حجریہ حقندہ دخی مدعی
عمومیلکہ تبلیغات مقتضیہ اجرا ایدلیدی جہتلہ اصول
محاکمات جزائیہ قانوننک اوچيوز یتش برنجی
واوچيوز یتش ایکنجی مادہ لرندن استنباط اولنسان
احکامہ توفیقاً اشبو قرار نامہ بالتظیم اعلان
اولنور .

بقا سنجایی بدایت محکمه سی اجرا دائرہ سنده :

اذینہ قضاسنک بیکاربائی قریہ سندن پدری
اسماعیل بن حسنی ضرب و قتل قصدیلہ سلاح تشہیر
وانداخت ایلدیکی ادعا قلنمسنندن ناشی جنایتلہ اتہام ایدلش
اولان قریہ مذکورہ دن اورتہ بویلی ، چاقیر کوزلی ،
تربیقی ، اسمر بکری یکر می بش یاشندہ صغرتماچ
حسن بن اسماعیل دردست ایدیلہ مامش اولدیغندن
تاریخدن اعتباراً جانب ریاستدن کندوسنہ مجدداً اون
کون مهل اعطا قلنمشدر مهل معین ظرفندہ مرقوم
محکمہ یہ کلدیکی خالدہ قانونہ اطاعت ایتامش نظریلہ
باقیلہ رق حقوق مدنیہ دن اسقاط قلنہ جنی و علیہندہ
دعوا یہ قیام اولنہ جنی و بوصرہ دہ برکونہ ادعا یہ حق
اولہ میہ جنی و اموالک حجرتنہ آله جنی و بالجملہ
ضابطہ عدلیہ مأمورلرینک کندوسنی طومتغہ مجبور
بولندقلری کبی معاملات حجریہ حقندہ دخی مدعی
عمومیلکہ تبلیغات مقتضیہ اجرا ایدلیدی جہتلہ
اصول محاکمات جزائیہ قانوننک اوچيوز یتش برنجی

واوچيوز یتش ایکنجی مادہ لرندن استنباط اولنسان
احکامہ توفیقاً اشبو قرار نامہ بالتظیم اعلان اولنور .

بقا سنجایی بدایت محکمه سنده :

جبالیدہ عاشق پاشا محلہ سندن مقیم تجارتدن
منلازادہ صالح افندینک ۷ شباط سنہ ۳۳۳ تاریخندن
اعتباراً اعلان افلاسندہ و مصالح افلاسیہ نك رؤیت
وتسویہ سی ضمنندہ اعضای محکمہ دن عزتلو ایوب
صبری بکک ژوزقو میسر و دعوی وکیللرندن شارام
قرانجیان افندینک موقت سندیک تعیینلرینہ و اموال
تجاریہ و اشایی زائدہ بیتہ سنک مهرنمسنہ و اوراق
ودفاترینک جلبنہ و کفالت مصدقہ ارانہ ایدہ مدیکی
تقدیردہ حبس و توقیفنہ و بوبادہ کی قرارک موقتاً
اجراسنہ تجارت بحریہ محکمہ سنجہ قرار ویرلش
اولدیغندن قانوننامہ تجارتک ۱۷۰ نجی مادہ سی
موجبجہ دائمی سندیکر انتخاب اولنقی اوزرہ اشبو
۳۳۴ سنہ سی تموزینک ایکنجی چہاشنبہ کونی ساعت
یدی رادہ لرندہ اصحاب مطلوبک محکمہ مذکورہ نك
مصالح افلاسیہ رؤیتہ مخصوص اوطہ سنہ کلری
اعلان اولنور .

بک اوغلی بدایت محکمه سی اجرا دائرہ سنده :

دیقران کرچجیان افندینک استپانیان آرتین اغا
ذمتندہ با اعلام محکوم بہ آله جنی اولان مبالغ
معلومہ نك تأمین تسویہ سی ضمنندہ داین مرقوم
تزدندہ مرهون و فروختی حکم اعلامہ مستند اولان
برعدد آتون زنہ ساعتیلہ اوچ عدد الماس یوزوک
و برجفت الماس کوبہ نك فروختی قرار التہ آتہ رق
بالمزایدہ فروختی معاملہ سنک دخی اشبو
حزیرانک یکر می برنجی جمعہ ایرتسی کونی ساعت
بش رادہ لرندہ چارسوی کیردہ قیوجیلر ایچندہ
اجراسی مقرر اولدیغندن طالب اولانلرک یوم و وقت
مزبورده محل مذکورده مأمور مخصوصی
مواجهہ سندن حاضر بولملری اعلان اولنور .

برنجی تجارت محکمه سنده :

ازمیردہ مقیم تبعہ دولت علیہ دن متوفی حاجی
استلیانوس یورکیادیس ورثہ سندن مخدوملری اولوب
ازمیردہ اقامت ایتکدہ لرایکن شمیدی اقامتکاهلرینک
مجهول ایدوکی خبر ویریلان طیب آپوستول و تجارتدن
پنا یوٹ حاجی استلیانوس یورکیادیس علیہلرینہ و فرانسه
دولتی تبعہ سندن ازمیردہ مقیمہ ماری مارسان لہنہ
اولہ رق ازمیر تجارت محکمہ سندن لاحق اولان ۲۸

کانون ثانی سنہ ۳۱۱ تاریخی و ۳۴۸ تومرولی اعلام
حکمنہ عدم قناعتلہ مومی الیہما آپوستول و پنا یوٹ
ہاجی استلیانوس یورکیادیس طرفلرندن اقامہ اولنسان
استیناف دعواسنک اجرای محاکمہ سی ایچون اشبو
۳۲۴ سنہ سی تموزینک اون دردنجی بازار ایرتسی
کونندن اعتباراً ہیئت محکمہ نك ایلک اجتماعندہ
مومی الیہما آپوستول و پنا یوٹ ہاجی استلیانوس
یورکیادیسک ساعت التی رادہ لرندہ محکمہ مزبورده
حاضر بولملری و یاخود مصدق سندلہ بروکیل
کوندرملری لازم کلہ جکی و شاید کلزلر ویا وکیل
دخی کوندرملر ایسہ دیگر طرفک وقوع بولہ حق
طابی اوزرینہ مومی الیہما حقلرندہ معاملہ غیابیہ
اجرا قلنہ جنی معلوم اولنقی اوزرہ تنظیم اولنسان
دعوتیہ اصول محاکمہ تجارت نظامنامہ سنک یکر منجی
مادہ سنک دردنجی فقرہ سنہ توفیقاً علی الاصول محکمہ نك
دیوانخانہ سنہ تعلیق اولدینی کبی اعلان کیفیتہ دہ
ابتدار قلندی .

محکمہ صغیر قضاسی بدایت محکمه سی اجرا دائرہ سنده :

مقری کویندہ مقیم لوقطہ جی آرامک قریہ
مرقومہ دہ مقیم قدرت بک ذمتندہ با اعلام محکوم بہ
مطلوباتی اولان مبالغ معلومہ نك تأمین اخذ و استیفاسی
ضمنندہ مدیون مرقومک عہدہ تصرفندہ اولوب
محجوز بولسان مقری کویندہ قزطاشندہ شرقاً
سرکز افندی غرباً و شمالاً و جنوباً صاحب سند
ترالری و طریق ایلہ محددہ برقطعہ عرصہ تاریخ
اعلاندن اعتباراً اون بش کون صوکرہ مزایدہ یہ
وضع ایدیلہ جکی چکمجہ صغیر قضاسی بدایت محکمہ سی
اجرا دائرہ سندن اعلان اولنور .

یوسف اغا ورثہ سنک چفتہ آلان قریہ لی احمد
چو جق ذمتندہ با اعلام محکوم بہ مطلوباتی اولان
مبالغ معلومہ نك تأمین اخذ و استیفاسی ضمنندہ مدیون
مرقومک عہدہ تصرفندہ اولوب مزایدہ یہ وضع
ایدیلان معلوم الحدود و القطعات مع باغچہ برقطعہ
خانہ و برقطعہ آخور و رباب انبار و برقطعہ چایر
والتی قطعہ ترلا بدل معلوم مقابلندہ طالبی عہدہ سندن
اولوب حالہ اولیہ سنہ قرار ویرلکندن یوزدہ بش
ضم ایلہ طالب اولانلرک پی اچہ لرینی مستصحباً
اوتوزر کون ظرفندہ چکمجہ صغیر قضاسی بدایت
محکمہ سی اجرا دائرہ سنہ مراجعت ایللری اعلان
اولنور .